



MØTEPROTOKOLL

Utval: Formannskapet
Møtedato 20.02.2020
Møtetid: Kl. 15:00 - 20:30
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Medlemmer som møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Odd Arne Haga	Frp
Gunn Totland Moss	KrF
Øyvind Strømmen	MDG
Øyvind Røen	Sp

Møtenotat:

Andre som var til stades på møtet:

- Charlotte Hageberg, rådmann
- Jan Erik Boge, leiande rådgjevar
- Hilde-Lill Våge, einingsleiar samfunnsutvikling (under sak 001)
- Bodil H. Øpstebo, rådgjevar oppvekst (under presentasjonar av forslag om 1-10 skule og presentasjon av Toftøy og Blomvåg barnehage)
- Bjarte Rasmussen og Alejandro Segarra Pardilla, ABO Plan og Arkitektur (under ABO sin presentasjon av forslag 10-10 skule på Gjerde)
- Olaug M. Rong og Gunn-Helen Hole Elvestad (under presentasjon av Toftøy og Blomvåg barnehage)
- Odd Sørhus, Fortunen Arkitekter (under Fortunen Arkitekter sin presentasjon av forslag om 1-10 skule på Gjerde)

Protokolltilførsel frå Jon Magne Borgevik (Ap)

Formannskapet må før neste møte få utlevert statuttane for næringsfondet.

Møteleiar:	Knut Harald Frøland
Møtesekretær:	Jan Erik Boge

Underskrift frå utvalsleiar og møtesekretær:

Tysse, 21.02.2020

Knut Harald Frøland
ordførar

Jan Erik Boge
leiande rådgjevar

Desse sakene vart handsama:

Sakliste

Sak nr.	Arkivsak	Sakstittel	Merknad
001/2020	20/149	Faste saker	
002/2020	19/171	Oppfølging av KS-vedtak 85/19 - Frist responder	
003/2020	20/140	Gratis skulemat på ungdomskulen	
004/2020	20/109	Kommunedelplan KDP - Akvakultur i Samnanger 2020-24	
005/2020	18/1709	Søknad til Husbanken om tilskot til startlån 2020	
006/2020	18/1787	Revisjon av delegeringsregelement for Samnanger kommune	
007/2020	18/1787	Utarbeiding av framlegg til forskrift om godtgjersle m.m. for folkevalde i Samnanger kommune	
008/2020	19/427	Tilleggslyyving til ny stilling på økonomikontoret	
009/2020	18/951	Søknad om tilskot til utbetring av veg til Gulleiksgården	

SAKNR. 001/2020: Faste saker

20.02.2020 Formannskapet:

Handsaming i møtet:

Godkjenning av møteinnkalling og sakliste

Ordførar Knut Harald Frøland (BI) orienterte om at det hadde kome inn ei ekstrasak, sak om tilskot til utbetring av veg til Gulleiksgarden. Ordføraren spurde om det var i orden for formannskapet at denne saka vart sett inn på saklista, som siste sak i møtet. Formannskapet slutta seg til dette.

Det var ingen andre merknader til møteinnkallinga eller saklista.

Merknader til protokollen frå førre møte:

Ingen merknader.

Orienteringssaker:

Næringsinformasjon:

Einingsleiar samfunnsutvikling, Hilde-Lill Våge, orienterte om kommunen sitt arbeid med næring/næringsutvikling, mellom anna:

- Kommunen sitt samarbeid med Samnanger næringsforum
- Samling for nyetablerarar på biblioteket på Bjørkheim 10.03.2020
- Samling for grunneigarar og utbyggjarar på biblioteket på Bjørkheim 17.03.2020
- Arbeid med regional marknadsføring, mellom anna av Rolvsvåg industriområde
- Arbeid i samband med mogleg bygging av datasenter i Børdalen

Klima:

Einingsleiar samfunnsutvikling, Hilde-Lill Våge, orienterte om arbeid knytt til klima. Kommunen har sendt inn tre søknader til Klimasats (støtteordning for kommunar og fylkeskommunar). Søknadane gjeld:

- Tilskot til ladepunkt til kommunale bilar
- Tilskot til nnfartsparkering på Bjørkheim
- Tilskot til ekstern hjelp til prosjektering av overgang frå naturleg ventilasjon til meir klimavenlege løysingar

Hilde-Lill Våge orienterte òg om at det vert plastinnsamlingsaksjon i Samnanger laurdag 28.03.2020 Dette er eit samarbeid mellom kommunen, Bergen og Omland Friluftsråd (BOF) og ungdomsklubben.

Arbeid med reguleringsplanar

Einingsleiar samfunnsutvikling, Hilde-Lill Våge, orienterte kort om status for arbeidet med følgjande reguleringsplanar:

- Eikedalen
- Bjørkheim
- Badestrand Bjørkheim

Legging av ny (parallel) vassleidning i Haukanestunnelen

Ordførar Knut Harald Frøland (BI) orienterte om planane om å leggja ned ei ny (parallel) vassleidning (reserveleidning) i Haukanestunnelen. Kostnaden vil vera om lag 1,5 millionar kroner, og det er løyvd midlar til dette i budsjettet for 2020. Arbeidet er planlagt gjort i samband med arbeid som Statens Vegvesen straks skal starta med i Haukanestunnelen. Den eksisterande vassleidninga i Haukanestunnelen vert lagt ned i 1980, og ordføraren har fått henvendelsar frå innbyggjarar om at den truleg vil vara i mange år enno. Ordføraren spurde om formannskapet ønskjer å ta stilling til om kommunen skal la vera å leggja ny (parallel) vassleidning i Haukanestunnelen no, eller om formannskapet ønskjer at arbeidet skal gjerast slik det er lagt opp til i budsjettet. Formannskapet

hadde ein debatt om saka, men det vart ikkje gjennomført røysting.

Førespurnad frå Bergen Vann

Ordførar Knut Harald Frøland (Bl) orienterte om at han har fått ein førespurnad frå det kommunale føretaket Bergen Vann. Dei spør om Samnanger vil vurdere om vass- og avlaupsnettet vårt skal inngå som ein del av den portefølja som Bergen Vann handterer. Ordføraren informerte òg om at administrasjonen i Samnanger ikkje ønskjer å bruka tid på ei slik vurdering. Ordføraren vil melda tilbake til Bergen Vann at Samnanger ikkje vil gjera ei slik vurdering som dei har spurt om.

Organisasjonsinformasjon

Rådmann Charlotte Hageberg orienterte om saker og utviklingstrekk knytt til kommuneadministrasjonen, samt om førebels rekneskapsresultat for 2019. Ho orienterte òg kort om status for kvar av einingane i kommunen, samt om tankar om kommunen sitt arbeid inn i 2020.

Øyvind Røen (Sp) foreslo at verdidebatten som rådmannen etterlyste innleiingsvis i orienteringa si, bør takast opp i eit møte i formannskapet.

Presentasjon ved ABO Plan og Arkitektur

Bjarte Rasmussen og Alejandro Segarra Pardilla frå ABO Plan og Arkitektur presenterte forslag til 1-10 skule, fleirbrukshall og symjehall på Gjerde.

Presentasjon av Toftøy og Blomvåg barnehage

Olaug M. Rong og Gunn-Helen Hole Elvestad presenterte og orienterte om Toftøy og Blomvåg barnehage. Toftøy er ein stor privat barnehage som har vore i drift i fleire år, med ca 130-150 barn og seks avdelingar.

Presentasjon ved Fortunen Arkitektur

Odd Sørhus frå Fortunen Arkitektur presenterte forslag til 1-10 skule, fleirbrukshall og symjehall på Gjerde.

Diskusjon/oppfølging etter presentasjonane

Etter dei tre presentasjonane var det ein debatt i formannskapet, mellom anna om vidare arbeid/prosess, jf. kommunestyret sitt vedtak i sak 095/19 om moglegheitsstudie. Ordførar Knut Harald Frøland (Bl) foreslo at administrasjonen får i bestilling til neste formannskapsmøte å leggja fram eit overslag over kor stort innsparingspotensiale det er i skulane sine driftsutgifter (utan å redusera kvaliteten på tenestene), og kor lang tid som trengs for å realisera innsparingspotensialet. Han foreslo òg å ta med i bestillinga at administrasjonen må vurdere oppfølgande tiltak i lys av dei føringane for prosessen som kommunestyret har vedteke.

Formannskapet slutta seg til Knut Harald Frøland sitt forslag om bestilling til administrasjonen til neste formannskapsmøte. Administrasjonen fekk òg i oppgåve å vurdere å leggja fram framlegg til endring av kommunestyret sitt vedtak i sak 095/19.

Mot slutten av formannskapet sin debatt bad rådmann Charlotte Hageberg om å få gje ei orientering for lukka dører. Møtet vart lukka medan formannskapet drøfta spørsmålet om lukking, men vart opna att før røystinga om lukking av møtet. Formannskapet vedtok samrøystes at orienteringa skulle haldast for lukka dører, med heimel i kommunelova § 11-5, andre ledd. Møtet vart opna att etter rådmannen si orientering.

Utvalet sitt kvarter:

Informasjonssaker i møteinnkallinga

Jon Magne Bogevik (Ap) viste til informasjonssakene vart tekne inn i møteinnkallinga til dette formannskapsmøtet, og peika på at det er positivt at informasjonssaker er med i møteinnkallinga.

FORM- 001/2020 Vedtak:

Møteinnkallinga og saklista vert godkjent. Delegerte vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerte vedtak/referatsaker vert tekne til orientering.

SAKNR. 002/2020: Oppfølging av KS-vedtak 85/19 - First responder**20.02.2020 Formannskapet:**

Handsaming i møtet:

Ordførar Knut Harald Frøland (BI) sette fram følgjande framlegg til vedtak:

"Alternativ 2 - FR som i dag, men med følgjande innsparing:

- *Lokal særavtale for vaktgodtgjersla vert reforhandla i løpet av våren 2020."*

I røytinga vart rådmannen sitt framlegg sett opp mot framlegget til Knut Harald Frøland . Framlegget til Knut Harald Frøland vart samrøystes vedteke.

FORM- 002/2020 Vedtak:

Alternativ 2 - FR som i dag, men med følgjande innsparing:

- Lokal særavtale for vaktgodtgjersla vert reforhandla i løpet av våren 2020.

Rådmannen sitt framlegg til vedtak:

Vi tilrår å fortsette med:

Alt 2 – FR som i dag, men med følgjande innsparing:

- Redusere talet løfte oppdrag - utgjer ca. 30.000 kroner
- Behalde FR-bil – gjev ikkje innsparing
- Medisinsk utstyr kan reduserast med ca. 5.000kr

Totalt: 35.000 kroner i reduksjon – Budsjettjustert til: 748.888

Spesifisering av handsaming av løfteoppdrag – prosedyre:

- Kontakte leder for nærare avklaring, der leiar vurderer saman med personalet om kva som er forsvarleg, før ein ev må tilkalle hjelp eller FR.

Lokal særavtale for vaktgodtgjersla vert reforhandla i løpet av våren 2020.

SAKNR. 003/2020: Gratis skulemat på ungdomskulen

20.02.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 003/2020 Vedtak:

Det vert med verknad frå mars 2020 starta opp ordning med gratis skulemat (lunsj) to dagar i veka for elevane ved Samnanger ungdomsskule. Ordninga skal evaluerast innan utgangen av inneverande skuleår (2019/2020). Det vert løyvd inntil 80 000 kroner til ordninga i 2020, finansiert av disposisjonsfondet. Frå og med 2021 må midlar til ordninga leggjast inn i ungdomsskulen sitt budsjett, med inntil 100 000 kroner.

Rådmannen sitt framlegg til vedtak:

Det vert med verknad frå mars 2020 starta opp ordning med gratis skulemat (lunsj) to dagar i veka for elevane ved Samnanger ungdomsskule. Ordninga skal evaluerast innan utgangen av inneverande skuleår (2019/2020). Det vert løyvd inntil 80 000 kroner til ordninga i 2020, finansiert av disposisjonsfondet. Frå og med 2021 må midlar til ordninga leggjast inn i ungdomsskulen sitt budsjett, med inntil 100 000 kroner.

SAKNR. 004/2020: Kommunedelplan KDP - Akvakultur i Samnanger 2020-24

20.02.2020 Formannskapet:

Handsaming i møtet:

Jon Magne Bøgevik (Ap) sette fram følgjande framlegg til endring i forhold til rådmannen sitt framlegg:

"Planarbeidet vert finansiert med inntil 250.000 frå disposisjonsfondet".

Jon Magne Bøgevik bad om å få inn ein protokolltilførsel om at formannskapet må få utlevert statuttane for næringsfondet.

I røystinga vart rådmannen sitt framlegg sett opp mot Jon Magne Bøgevik sitt endringsframlegg. Rådmannen sitt framlegg fekk seks røyster. Jon Magne Bøgevik sitt framlegg fekk tre røyster.

For rådmannen sitt framlegg	For Jon Magne Bøgevik sitt framlegg
Lena Tveit (Bl)	Jon Magne Bøgevik (Ap)
Martin Haugen (Bl)	Gunn Totland Moss (Krf)
Shirin Kvernes Khadoor (Ap)	Knut Harald Frøland (Bl)
Øyvind Røen (Sp)	
Odd Arne Haga (Frp)	
Øyvind Strømmen (MDG)	

FORM- 004/2020 Vedtak:

Samnanger kommune starter snarast opp anbudsprosessen med kommunedelplan for Akvakultur i Samnanger. Planarbeidet vert finansiert med inntil 250.000 frå næringsfondet konto 1400.3251. Planarbeidet bør vera ferdig innan 2020.

Rådmannen sitt framlegg til vedtak:

Samnanger kommune starter snarast opp anbudsprosessen med kommunedelplan for Akvakultur i Samnanger. Planarbeidet vert finansiert med inntil 250.000 frå næringsfondet konto 1400.3251. Planarbeidet bør vera ferdig innan 2020.

SAKNR. 005/2020: Søknad til Husbanken om tilskot til startlån 2020**20.02.2020 Formannskapet:**

Handsaming i møtet:

Rådmannen sitt framlegg vart samrøystes vedteke.

FORM- 005/2020 Vedtak:

Samnanger kommune tek opp eit lån i Husbanken på kr 2 000 000 for å gje økonomisk hjelp til bustad. Lånet vert tatt opp på 30 år kor 5 år er avdragsfrie.

Rådmannen sitt framlegg til vedtak:

Samnanger kommune tek opp eit lån i Husbanken på kr 2 000 000 for å gje økonomisk hjelp til bustad. Lånet vert tatt opp på 30 år kor 5 år er avdragsfrie.

SAKNR. 006/2020: Revisjon av delegeringsreglement for Samnanger kommune**20.02.2020 Formannskapet:**

Handsaming i møtet:

Rådmannen sitt framlegg vart samrøystes vedteke.

FORM- 006/2020 Vedtak:

Rådmannen får ansvar for å utarbeida framlegg til revidert delegeringsreglement for Samnanger kommune, jf. reglar i § 5-14 i kommunelova. Formannskapet vert styringsgruppe for arbeidet. Framlegget skal leggjast fram til politisk handsaming i formannskapet og kommunestyret innan 31.12.2020.

Rådmannen sitt framlegg til vedtak:

Rådmannen får ansvar for å utarbeida framlegg til revidert delegeringsreglement for Samnanger kommune, jf. reglar i § 5-14 i kommunelova. Formannskapet vert styringsgruppe for arbeidet. Framlegget skal leggjast fram til politisk handsaming i formannskapet og kommunestyret innan 31.12.2020.

SAKNR. 007/2020: Utarbeiding av framlegg til forskrift om godtgjersle m.m. for folkevalde i Samnanger kommune

20.02.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 007/2020 Vedtak:

Rådmannen får ansvar for å utarbeida framlegg til forskrift om folkevalde sin rett til å få dekket utgifter og økonomisk tap, arbeidsgodtgjersle, ettergodtgjersle og permisjonar, jf. reglar i kapittel 8 i kommunelova. Framlegget skal leggast fram til første gongs politisk handsaming i formannskapet sitt mai-møte og kommunestyret sitt juni-møte i 2020.

Rådmannen sitt framlegg til vedtak:

Rådmannen får ansvar for å utarbeida framlegg til forskrift om folkevalde sin rett til å få dekket utgifter og økonomisk tap, arbeidsgodtgjersle, ettergodtgjersle og permisjonar, jf. reglar i kapittel 8 i kommunelova. Framlegget skal leggast fram til første gongs politisk handsaming i formannskapet sitt mai-møte og kommunestyret sitt juni-møte i 2020.

SAKNR. 008/2020: Tilleggslyyving til ny stilling på økonomikontoret

20.02.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 008/2020 Vedtak:

Det vert med verknad frå 01.08.2020 oppretta ei ny fast 100 % stilling som rådgjevar eller eventuelt førstekonsulent i rådmannen sin stab, for tida med arbeidsstad ved økonomikontoret. Det vert gjeve tilleggslyyving på inntil 400 000 kroner frå disposisjonsfondet til finansiering av lønnsutgiftene til stillinga i 2020. Frå og med 2021 må lønnsmidlar til stillinga leggast inn i det ordinære budsjettet.

Rådmannen har fullmakt til å ta endeleg avgjerd om stillingstittel og bestemma kva arbeidsoppgåver som skal liggja til stillinga

Rådmannen sitt framlegg til vedtak:

Det vert med verknad frå 01.08.2020 oppretta ei ny fast 100 % stilling som rådgjevar eller eventuelt førstekonsulent i rådmannen sin stab, for tida med arbeidsstad ved økonomikontoret. Det vert gjeve tilleggslyyving på inntil 400 000 kroner frå disposisjonsfondet til finansiering av lønnsutgiftene til stillinga i 2020. Frå og med 2021 må lønnsmidlar til stillinga leggast inn i det ordinære budsjettet.

Rådmannen har fullmakt til å ta endeleg avgjerd om stillingstittel og bestemma kva arbeidsoppgåver som skal liggja til stillinga.

SAKNR. 009/2020: Søknad om tilskot til utbetring av veg til Gulleiksgården

20.02.2020 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 009/2020 Vedtak:

Søknad om tilskot frå næringsfondet til veg til Gulleiksgården på 33.375 kroner vert avslått. Bente Getz ønskjer å flytte sin produksjon ut av kommunen. Vi ser difor ikkje at det er grunnlag for eit tilskot frå Samnanger kommune som kan styrkje verksemda sin produksjon og framtidig drift på Gulleiksgården.

Når det gjeld tilskot til veg generelt vert det vist til kommunestyret sitt vedtak 74/19.

Rådmannen sitt framlegg til vedtak:

Søknad om tilskot frå næringsfondet til veg til Gulleiksgården på 33.375 kroner vert avslått. Bente Getz ønskjer å flytte sin produksjon ut av kommunen. Vi ser difor ikkje at det er grunnlag for eit tilskot frå Samnanger kommune som kan styrkje verksemda sin produksjon og framtidig drift på Gulleiksgården.

Når det gjeld tilskot til veg generelt vert det vist til kommunestyret sitt vedtak 74/19.